

خبرنگار محاکمه

جمعه ایرتسی

نومرو	ربیع الآخر	سنه	قوز	سنه	صفحه
۱۰۹۲	۲	۱۳۱۸	۱۵	۱۳۱۶	۱۵۳۳۹

(اشبه غزنه بهر هفته جمعه ایرتسی کونلری بیقرار . نه لکی در سادات ایچونه مجیدیه یکریمی غروسه)
 (مسایله التمه غروسه . طره لر ایچونه اوده بسه غروسه بونه اصرتی ضم اولنور . بهر)
 (نفسه سی نه مجیدیه یکریمی غروسه اولوق اوزره یوزباریه هربرده صانیور . درج اولنه جوق اعدا ناک)
 (هربرنده بر مجیدیه اخذ اولنور . نه لکنه مشتری اولوق استیاندلر عدلیه نظارتی دایره مندره لایحه جریده)
 (محاکم اداره نه مراجعت ایلملیدر .)

قسم غیر رسمی

مذکور یالکنز مستدعینک اعتراض لایحه سیله
 بالمطالعه تدقیقات تمیزیه اجراسنه ابدار قلندی

طربزونک قاسم آغا محله سنده مقیم مسکرات
 فابریقه طوری اقریدیدی یورکی ایله طربزونک
 میدان شرقی محله سنده مقیم آرابه جی ایلیا اوغلی
 قوزمه و برادری ملتیدی بینده متکون دعوایه
 دایر طربزون تجارت محکمه سنندن ۲۱ مارت
 سنه ۳۱۴ تاریخی وایکی عددی ایله ویریلان
 اعلام مرقوم یورکی طرفندن تمیزایدملکه اعلام

اعلام مذکورک خلاصه مالی مزبور
 اقریدیدی یورکینک مرقومان قوزمه و ملتیدی
 ذمترنده با سند الهجفی اولان قرق درت عدد
 عثمانلی لیراسنک مرقوماندن تحصیلی حقننده
 طربزون تجارت محکمه سنندن صادر اعلام
 غیابینک عند التمیز مدعی علیهمانک دعوت
 واقعه یه عدم اجابتلرینه مبنی تعیین قلسان وکیل

مسخره مبرز سندی و حاوی اولدینی دینی انکار
ایتمسنة نظراً سند مذکورک تطبیق خط و خاتم
فصلنه توقفاً تدقیقی لازم کلور ایکن بوبابده
تدقیقات لازمه اجرا اولنماسندن واسباب
سأرمدن ناشی نقض و اعاده قلمخی اوزرینه
محکمهجه تعیین قلنان کونده مدعی علیهمادن
مرقوم ملتیدینک عدم اجابتنه بناءً ینه غیابنده
وکیل مسخر حضوریه بشکرار جریان ایدن
محاکمه و تدقیقات نتیجهسند مسند ادعا اولان
سند مدعی علیه حاجی قوزمهتک انشتهسی
ویلاسیوس ایله برلکده ویرلمش اولوب مرقوم
ویلاسیوسک وقوعولان افلاسی اوزرینه مدعینک
الهجنی اولان مبلخی حاجی قوزمهدن ارامسی
لازم کلور ایکن مذکور سندی مفلس مرقومک
ماصهسنة ارأه ایله یوزده یکرمی بشه راضی
اوله رق قونغورداتوبی امضا ایتمسی قوزمهیه
قارشو اولان حقنی اسقاط ایتمش اولدینی کبی
مذکور سند زیرنده کی امضا غائب مرقوم
ملتیدینک اولدینی تحقق ایتمش ایسهده بوجه
محرر سند بدلندن طولایی مدعینک کرک مرقوم
قوزمهدن و کرک غائب مرقوم ملتیدین برشی
ارامغه حق و صلاحیتی اوله میه جفتدن مدعی
مرقومک اشبو سندله مدعی علیهمایه قارشو

اولان دعواسنک ردینه حکمدن و مستدعینک
اشبو حکم علینده لایحهسند محرر باشلوجه
اعتراضی خصملندن ملتیدای حقنده غیاباً جریان
ایدن محاکمهده سند مذکورده کی امضا غائب
مرقومک اولدینی تحقق ایدرک کفالت بالمال
طریقیه الزامی مقتضی ایکن محکمهجه غائب
مرقومک برائی جهتسه کیدلسی مغایر قانون
اولدینندن بحکله اعلامک نقضی استدعاسندن
عبارتدر

ایجابی مذاکره اولندقه اعلام مذکور
مألندن اکلاشدینی اوزره مدعینک قرق درت
لیرالق سندی مفلس ویلاسیوسک ماصهسنة
ارأه ایله یوزده یکرمی بشه راضی اولسنة
قونغورداتوبیه وضع امضا ایتمسنة استناداً
مدعینک قوزمهیه اولان حق مراجعتک ساقط
اولدینغه قرار ویرلمش ایسهده مدعی مزبورک
مفلس ویلاسیوسک ماصهسنة مراجعتله یوزده
یکرمی بشه راضی اولسی متباقیسی ایچون
قوزمهیه مراجعت حقنی اسقاط ایده میه جکی کبی
اساساً دخی یوزده یکرمی بشک الدینی تحت انکارده
اولسی جهتله بوجهت ثابت اولدینی تقدیرده
مدعینک الحق یوزده یکرمی بشنی دعوی حق
ساقط اولوب متباقیسندن طولایی مدعینک ینه

قوزمهیه حق مراجعتی ساقط اوله ماز ایکن
محکمهجه بوصورت ثابت اولقسزین مدعینک
بمجموع مدعایهی دعوی حقنک سقوطنه قرار
ویرلسی مغایر قانون اولدینندن اصول محاکمه
حقوقیه قانوننک ایکوز قرق برنجی مادهسی
موجبجه اعلام مذکورک نقضنه و قانون مزبورک
ایکوز قرق دردنچی مادهسنة توقفاً کیفینک
اصولی دأرهمسند بالرویه اعلامه ربطی ضمیمه
محکمه مذکوریه اعادهسنة وزیرده مفرداتی مرقم
اوچوز سکسان التی یحق غروش مصارف
تمیزیهنک ایلروده حقسز چیهجق طرفه عائد
اولق اوزره اول امرده مستدعیدن اخذینه ۲
توز سنة ۳۱۴ تاریخنده متفقاً قرار ویرلدی .

ازمیرده قوردون اوزرنده فوندیه فرخانهسند
مقیم واپورچی بپانده لئون ایله ازمیرده حکومت
قوانغی قارشوسند ساکن امانتچی مارقار بیننده
متحدث دعوایه دأر ازمیر تجارت محکمهسندن
۲۷ مایس سنة ۳۱۴ تاریخنی والی یدی عددی

ایله ویریلان اعلام مرقوم بپانده لئون طرفندن
تمیز ایدلکله اعلام مذکور یالکز مستدعینک
اعتراض لایحهسیله بالمطالعه تدقیقات تمیزیه اجراسنه
ابتدار قلندی

اعلام مذکورک خلاصه مالی مرقوم
مارقارک بپانده لئون قومپانیهسند درسعادتن
حرکتله ازمیره ورود ایده جک سمیرن واپوریه
تودیع ایلدیکی طاش دین صوبیه ملو اوتوز بر
عدد حصیری ضایع اولدینندن بحکله مذکور
حصرلیلر موجود ایسه عیناً و مستهلک ایسه امانی
اولان رایج ایچه اوچیک غروشک بدلاً لازم
کلان ضرروزیان و مصارف محاکمه ایله برابر
مذکور قومپانیه دیرکتوری موسیو بپانده لئوندن
تحصیلی طلب وادعا و برقطعه قونشمتو ابراز
واعطا ایتمسنة قارشو مدعی علیه وکیلی بومالار
کوکرته اوزرنده بولنوب شدت شتادن قیرله رق
تلف اولمش و بویکی آفات سماویهدن مذکور
قومپانیه نک غیر مسئول بولنمش اولدینغی مدافعه
بیان و انبا ایتمش ایسهده اخیراً اکال محاکمه
ضمیمه تعیین قلنان کونده مدعی علیه و وکیل
دعوتیه اجابت ایتماسی اوزرینه وکیل مسخر
حضوریه اجرا قلنان محاکمه و تدقیقات نتیجهسند

بروجه ادا مبلغ مذکور اوچيك غروشك مع
مصارف محاكمه مدعى علميدن بالتحصيل مدعى مرقوم
مارقاره اعطاسنه حكمدن ومستدعى تميزك اشبو
اعلام علمينده لايحه سنده محرر اعتراضاتك
خلاصه سى حكم واقعك علل واسبابيله مواد
قانونيه سى اعلام بيمزه درج اولمق لازم كلورك
محكمه مذكوره جه بوراسنه دقت اولميه رق
بروجه محرر حكم اولمى يولسى ومغاير قانون
اولديغندن بمثل اعلام مذكورك نقضى استدعاسندن
عبارت بولمى شد

ايجابى مذاكره اولندقد اعلام مذكور
مألدن مستفاد اولدينى اوزره واپوره وضع
ايدلان صوملو حصر ليلردن موجود اولانلرك
عينا ومستهللك بولنانلرك اتمانك نقداً تحصيلنى
مدعى مرقوم باعرضال طلب ودعوى ايلش
ومذكور حصر ليلردن برقاچ عددنك موجود
اولدينى مندرجات اعلامدن اكلشلقده بولمى
اولديغندن موجود اولانلرك عينا ومستهللك
بولنانلرك دخى ارباب وقوف معرفيله قيمتلىرى
تقدير ايتديريله رك ويريله جك راپور اوزرينه
نقداً تحصيلنه قرار ويرلك لازم كلورك محكمه جه
مذكور حصر ليلرك قيمتك ارباب وقوفه تقدير
ايتديرك سترين مدعيتك ادعاسى وجهله تحصيلنه

قرار ويرلسى يولسى ومغاير قانون اولديغنه بناءً
اصول محاكمه حقوقه قانونك ايكوز قرق برنجى
ماده سى موجب اعلام مذكورك نقضيله قانون
مزبورك ايكوز قرق دردنچى ماده سى حكمنه توفيقاً
كيفيتك بالرؤيه اعلامه ربطى ضمننده محكمه
مذكوره به اعاده سنده وزيرده مفرداتى مرقم
اوچوز سكسان سكر بچق غروش مصارف
تميزينهك ايلروده حق ستر چيقه جق طرفه رجوع
ايتك اوزره اول امرده مستدعيدن النمنه ۴
تشرين ثانى سنه ۳۱۴ تاريخنده متفقاً قرار ويرلدى .

گوشخانه سنجاغنه مربوط طول قضا سنده
ملحق قروم قريه سنده مقيم قوقاس اوغلى
قسطنطين ايله قريه مذكوره ده مقيم اوسته باشى
اوغلى طاندو بيلنده متكون دعوايه دار كوشخانه
بدايت محكمه سندن استيناف صفى و ۱۹ نيسان
سنه ۳۱۴ تاريخى واون سكر عددى ايله ويريلان
اعلام مرقوم قسطنطين طرفدن تميز ايدلكلا
اعلام مذكور طرفينك اعتراض وجواب

لايحه لريله بالمطالعه تدقيقات تميز به اجرا سنده ابتدار
قلندى

اعلام مذكورك خلاصه مالى مرقوم
طاندونك برقطعه سند موجب مرقوم قسطنطين
نمتمده الهجنى اولان ايكوز الى طقوز عثمانلى
ليراسنك مع فائض تحصيلنى طلب ودعوى
وبرقطعه سند ابراز واعطا ايتمى اوزرينه اولان
دعوت مدعى عليه مرقوم قسطنطينك عدم
اجابته بناءً وكيل مسخر تعيينيله جريان ايدن
محكمه وتدقيقاته دعوى سنده ضرر وزيان
طلبى دخى پروتستويه مستند اولغله مدعا به اولان
ايكوز الى طقوز ليرانك مع فائض واجرت
وكالت بالغ اولدينى اوچوز يكرى ايكي عثمانلى
ليراسيله يكرى درت ساتميك مديون مرقومدن
تحصيلنه دار طول بدايت محكمه سندن ويريلان
اعلامى مدعى عليه مرقوم استيناف ايتمش
ايسه ده درميان ايلديكى اعتراضات بداية درميان
ايدلامش اولديغندن طولاي رديله اعلام ابتدائيك
تصديقه حكمدن ومستدعيتك اشبو حكم علمينده
لايحه سنده محرر باشلوجه اعتراضى عندالاستيناف
درميان ايلديكى اعتراضات فسخ حكمتى موجب
اكن ردينه قرار ويرلسى مغاير قانون اولديغندن

بمجلسه اعلامك نقضى استدعاسندن ومدعى عليهك
لايحه سنده مندرج نتيجه جوابى حكم واقع موافق
اصول وقانون اولدينى بيانيله اعلامك تصديقى
طلبندن عبارتدر

ايجابى مذاكره اولندقد اعلام مذكور
مألدن اكلشلقدينى اوزره مستدعى جانبندن
محكمه استينافيه ده درميان اولان اعتراضاتك
تدقيقيله تبين ايدمك حاله كوره قرار ويرلك
لازم كلورك ايكن اعتراضات مذكورك بداية
درميان اولغلامش اولمى سندن طولاي بلا تدقيق
ردينه قرار ويرلسى مغاير قانون اولديغندن
اصول محاكمه حقوقه قانونك ايكوز قرق
برنجى ماده سى موجب اعلام مذكورك نقضنه
وقانون مزبورك ايكوز قرق دردنچى ماده سنده توفيقاً
كيفيتك اصولى دائره سنده بالرؤيه اعلامه ربطى
ضمننده محكمه مذكوره به اعاده سنده وزيرده
مفرداتى مرقم اوچوز طقسان اوچ بچق غروش
مصارف تميزينهك ايلروده حق ستر چيقه جق
طرفه عائد اولمق اوزره اول امرده مستدعيدن
اخدينه ۶ تشرين اول سنه ۳۱۴ تاريخنده متفقاً
قرار ويرلدى .

چتالجه قضاسنه تابع چاقيل قريه سنده ساكنه يماندى زوجه سى فانيو قادين ايله قريه مذكوره اهاليستدن يوردان اوغلى فليب پينده متمدت دعوايه دائر چتالجه بدايت محكمه سندن ۱۸ حزينان سنه ۳۱۳ تاريخى ويكرمى عددى ايله ويريلان اعلام مزبورده فانيو قادين طرفندن تميز ايدملكه باش مدعى عمومليك مأموريت عليه سنك مطالعه نامه سى الندقدن صكره اعلام مذكور يالكز مستدعيه نك اعتراض لايحه سييله بالمطالعه تدقيقات تميزيه اجرا سنه ابتدار اولندى

اعلام مذكورك خلاصه مالى مرقوم فلينك چاقيل قريه سنده كان متصرف اولدينى خانه سنه متصل عرصه سنه مزبورده فانيو قادين ايله انشاسيله پنجره سنى سدوبند ايتديكى كجى برمقدار عرصه سنى دخى غصب ايلديكندن بختله معنى طلب ودعوى ايتسنه قارشو مزبورده فانيو قادين دخى محل منازع فيهك متصرف اولدينى خانه سى مشتملاتندن اولدينى مدافعه درميان ايتلى اوزرينه محل منازع فيه كشف ايدلادكن و طرفيندن اقامه اولنان شهود استماع وسراً و علناً تركه اولندقدن صكره تعيين قلنان كونده مدعى عليها فانيو قادينك ورود ايتمامسنه مبنى

مزبورده همچون تعيين اولنان وكيل مسخر انكار مدعا ايتش ايسه ده مدعى عليها فانيو قادينك ادعاى تصرفله اوزرينه ايله انشا ايلديكى محلك بر قسمى مدعى مرقومك پدرندن انتقالاً تحت تصرفنده اولدينى كجى قسم ديكرى دخى طريق عامه عائد بولندينى برمنوال سابق اجرا قلنان كشف واستماع اولنان شهودك شهادتيله ثابت اولسنه بناء مجله نك طقوز يوز النجى و طقوز يوز يكرمى يدنجى ماده لرى موجبجه مزبورده نك انشا ايلديكى ايله نك رفعيله بوبابده كى مداخله سنك منعه حكمدن واشبو حكم عليهنده مستدعى فانيو قادينك لايحه سنده محرر باشلوجه اعتراضى بومقوله عقار دعوالرنده ذى الديللك بالينه اثبات ايتديرمى لازم كلوركن محكمه جه بوقاعده به رعايت ايدلامسى مغاير قانون اولديغندن بختله اعلامك تقضى استدعاسندن وانف البيان مطالعه نامه مندرجاتى دخى دعوانك حين تدقيقنده عمومه مخصوص طريقه تعلق اولدينى تحقق ايتديكى حالده انساى محاكمه ده مدعى عمومينك بولنديرلامسى مغاير قانون اولدينى بيانندن عبارت بولنمشدر

الجباني لى المذاكره اعلام مذكور مندرجاتندن مستبان اولدينى اوزره دعواى واقعه نك انساى رؤيتده عمومه مخصوص طريقه

دخى تعلق ايتديكى جهته تشكيلات محاكم قانونك التمش بشنجى ماده سى موجبجه انساى محاكمه سنده مدعى عمومى حاضر بولنديريله رق مطالعه سى التمش لازم كلوركن مأمور موسى اليهك حاضر بولنديرلمسز ين امر محاكمه نك اجرا قلمسى يولسز واصول وقانونه مخالف بولنمش اولديغندن اصول محاكمه حقوقيه قانونك ايكوز قرق برنجى ماده سى موجبجه اعلام مذكورك تفضيله قانون مزبورك ايكوز قرق دردنجى ماده سى حكمنه توفيقاً كيفيتك بالرؤيه اعلامه ربطى ضمننده محكمه مذكوره به اعاده سنه وزيرده مفرداتى مرقم ايكوز اون اوچ بچق غروش مصارف تميزيه نك ايلروده حقسنر چيقه جق طرفه رجوع ايتك اوزره اول امرده مستدعى فانيو قادينندن استيفاسنه ۲۴ اغستوس سنه ۳۱۴ تاريخنده متفقاً قرار ويرلدى .

بروسه ديون عموميه اداره سييله بروسه ده اوزون چارشوده تجارتله مشغول حاجى حسين

افندى پينده متمدت دعوايه دائر خداوندكار استيناف محكمه سندن ۱۵ شباط سنه ۳۱۴ تاريخى و قرق يدى عددى ايله ويريلان اعلام اداره مذكوره وكيلى طرفندن تميز ايدملكه باش مدعى عمومليك مأموريت عليه سنك مطالعه نامه سى الندقدن صكره اعلام مذكور طرفينك اعتراض وجواب لايحه لريله بالمطالعه تدقيقات تميزيه اجرا سنه ابتدار قلندى

اعلام مذكورك خلاصه مالى موسى اليه حاجى حسين افندى توتون رسم مروريه سندن اداره مذكوره ده ليرا يوز غروش اعتباريله طقوز بيك اوچيوز الى ايكى غروش التمش الى سياتيم الهجنى اولديغندن مع فائض تحصيلاتى بروسه بدايت محكمه سنده طلب ودعوى ايتسنه قارشو اداره مذكوره وكيلى حقى افندى دخى رضى اداره سنك حين تشكيلىنده ديون عموميه اداره سنده موجود توتونلرك مجلس اداره معرفتيله ثبت دفتر ايديله رك رضى به دور اولندينى ديون عموميه نظارتنه بيلديرلمش ايسه ده هنوز جواب كلديكنى مدافعه درميان ومدعى دخى كندوسنك توتونلرى ثبت دفتر ايدلمش ومقبوض علم وخبرلرى يندن التمش ايسه ده ابراز ايلديكى برقطعه

عرضحال ظهرینه دیون عمومیه اداره سی طرفندن
یازیلان شرحده کندوسنک الی قلده ایکینک
اوجیوز طقسان سکنز جدید قیه توتون بدلی
اوله رق طقوز بیک اوجیوز الی ایکی غروش
التمش الی ساتیم تصفیة دیون تحویلی الهجفی
اولدینی کورلمش ایسهده کندوسنک مطلوبی
تصفیه تحویلاتنه تابع اولدینی بیان و وکیل
مومی الیه حتی افندی دخی مبلغ مذکورک
ویریلوب ویرلدیکنه دأر جواب کتوره جکنی
درمیان ایلدیکنی حالده یوم معینه دعوتیه اجابت
ایلامسنه مبنی غیاباً جریان ایدن محاکمه و تدقیقات
نتیجه سنده دین مذکورک تصفیة تحویلی اولدینغه
دأر دیون اداره سی وکیلک افاده سی توتونلرک
زمان تسلیمی اعتبار ایدلسندن ایلر و کلیور ایسهده
بومقوله دیونک تصفیة تحویلاتنه تابع اولسی
اوجیوز طقوز سنه مالیه سی اغستوسی نهایته قدر
دوام ایدوب اندن صکره تمدید مدت اوله میه جفی
امر عالی اقتضاسندن اولسنه و اداره مذکورک
دخی بومدت ظرفده دینی تسویه ایتماسنه بناء
تحت اعترافده بولنان مذکور طقوز بیک
اوجیوز الی ایکی غروش التمش الی ساتیمک
تاریخ استدعادن بالاعتبار حین تأدیسه قدر لیرا
یوز غروشدن تحصیلنه دأر صادر اولان اعلام

غروشنه یوز غروش ویریلهرک تسویه سنه حکم
اولنسی یولسز و مخالف قانون اولدینندن بحکله
اعلام مذکورک نقضی ومدعی علیه مومی الیه
حاجی حسین افندینک نتیجه اجوبه سی دخی سرد
اولنان اعتراضاتک واهی و بی اساس اولدینی
بیانیه ردی و موافق اصول و قانون اولان اعلام
مذکورک تصدیقی طلبندن وائف الیان مطالعه نامه
مندرجاتی دخی دعوانک استینافاً جریان ایدن
تدقیقات و محاکماتی اوزرینه محکمه ججه ویریلان
قرار مصیب کورنمکله اولباده کی لایحه تمیزیهده
درمیان اولنان اعتراضاتک موافق قانون
کوریله مدیکی بیانندن عبارت بولنمشدر

ایجابی مذاکره اولندقدده اعلام مذکور
مطالعه سنندن اکلاشدینی اوزره مبالغ مدعاها
دیونات امیره دن اولوب تصفیة دیون تاریخندن
مقدم دیون عمومیه اداره سنه دور ایدلمش اولسنه
نظراً مؤخرأ نشر ایدلمش اولان امر موجبجه
بهر یوز غروش مقابلنده لیرا یوز غروش
اعتباریله یکریمی بشر غروش ویریلهرک تأدییه
ایدلسنک تحت حکمه النسی مقتضی ایکن یوز
غروشه مقابل یوز غروش ویریلهرک تأدییه سنه
حکم اولنسی مخالف قانون اولدینندن اصول
محاکمه حقوقیه قانونک ایکوز اوتوز ایکینچی

ماده سی موجبجه اعلام مذکورک نقضه و قانون
مذکورک ایکوز قرق دردنجی ماده سی حکمه
توفیقاً کیفیتک بالرؤیه اعلامه ربطی ضمننده محکمه
مذکوره اعاده سنه وزیرده مفرداتی مرقم اوجیوز
قرق اوج بچق غروش مصارف تمیزیه نک
ایلروده حقسنز چیقہ جق طرفه عائد اولمق اوزره
اول امرده مستدعی تمیزدن النسنه ۲۹ حزیران
سنه ۳۱۵ تاریخنده متفقاً قرار ویرلدی .

یروتنده ساکن تجارتدن خواجهات صباغ
وچرکسلی شرکاسی ایله اسکندرون قصبه سنده
کمرک جوارنده مقیم تجارتدن خواجهات صباغ
اخوان بینلرنده متکون دعوایه دأر حلب تجارت
محکمه سنندن ۱۴ مارت سنه ۳۱۴ تاریخی واون
اوج عددی ایله استینافاً ویریلان اعلام مرقوم
صباغ وچرکسلی شرکاسی طرفلرندن تمیز ایدلمکله
اعلام مذکور طرفینک اعتراض و جواب
لایحه لرله بالمطالعه تدقیقات تمیزیه اجراسنه ابتدار
قلندی

اعلام مذکورك خلاصه مالى مرقوم
خواجات صايغ اخوان ايله خواجات صباغ
وچركسلى شركاسى پىنلرنده متكون دعوايه دار
اسكندرون بدايت محكمه سندن صادر اولان
اعلامك فسخيله پولچه بدلندن متباقى يوز يتمش
سكز ليرانك خواجات صايغ اخواندن تحصيله
دار حلب تجارت محكمه سندن استينافاً صادر
اولان اعلامك اعاده محاكمه طريقه فسخى
حقنده مرقوم صايغ اخوان طرفندن ويريلان
عرضال اوزرينه بتكرار جريان ايدن محاكمه
وتدقيقات تيجيه سنده مستند ادا اولان پولچه بدن
طولاي مستأفلك مستأنف عليهم قارشو
حق خصوصتلى اولدينى تحقق ايتمكه مجله نك
بيك التيوز اوتوز ايكنجى ماده سى موجبجه
دعواى واقعه نك خصومت نقطه سندن ردينه
حكمدن ومستدعى تميز صباغ وچركسلى
شركاسنك اشبو حكم عليهنده لايحه لرنده محرر
اعتراضاتك باشلوجه سى معاديه اولان اعلام تميز
ايدلش اولسى جهتيه دعواى واقعه نك اعاده
محاكمه طريقه رؤيتى مغاير قانون اولديغى سندن
بخشله اعلامك قضى ولايحه جوابيه مؤداسى
دخى حكم واقع موافق اصول وقانون ايدوكى
بيانيله اعتراض مذكورك ردى واعلامك تصديقي
استداسندن عبارتدر

ايجابى مذاكره اولندقدده اعلام مذكور
مندرجاتندن مفهم اولدينى اوزره دعواى واقعه
حقنده اعاده محاكمه استدعاسى اعطا قلمسى
اوزرينه اعلام معاديهك فسخيه قرار ويرلش
ايسه ده بومقوله اعاده محاكمه وقوعنده معيد
محاكمه نك ويرديكى عرضالده اسباب اعاده اولمق
اوزره تعداد ايلديكى احوال اصول محاكمه
حقوقيه قانوننك ايكوز ايكنجى ماده سنده تعداد
اولان اسباب عشره نظاميدن قغيسته موافق
ايدوكى طرفين مواجهه سنده بالتدقيق اسباب
مذكوره دن بريسته وياخود برقاچه موافق
بولدينى حالده اعاده محاكمه استدعاسنك قبوله
قرار ويريله رك طرفينه تفهيم ايدلكدن صكره
قبول اولنان نقطه دن اساس دعوانك تدقيقه
كيريديه رك حكم معاديهك فسخى موجب برحال
ظهورنده فسخيه وبيله برحال ظهور ايتمز ايسه
حكم معاديهك تصديقه قرار ويرلك لازم كلور
ايكن محكمه جه بويوله اجراى معامله ايدليه رك
برمنوال محرر اعلام معاديهك فسخيه قرار ويرلسى
يولسز ومخالف قانون اولديغى دن اصول محاكمه
حقوقيه قانوننك ايكوز قرق برنجى ماده سى
موجبجه اعلام مذكورك تفصيله قانون مزبورك
ايكوز قرق درديجى ماده سى حكمنه توفيقاً كيفيتك

بالرؤيه اعلامه ربطى ضمننده محكمه مذكوره يه
اعاده سنده وزيرده مفرداتى مرقم اوچيوز طقسان
اوچ بچق غروش مصارف تميزيه نك ايلروده
حقسنر چيقه جق طرفه رجوع ايتمك اوزره
اول امرده مرقوم صباغ وچركسلى شركاسندن
اخزينه ۲۶ تشرين اول سنه ۳۱۴ تاريخنده متفقاً
قرار ويرلدى .

قرار كير اولدقدن صكره اعلام مذكور اوراق
متفرعه سيله بالمطالعه تدقيقات تميزيه اجرا سنده
ابتدار اولندى

تصحيحى طلب اولنان اعلامك خلاصه مالى
مرقوم يانقونك ايا ديمتري محله سنده اللى سكز
نومرولى وفشكخانه جاده سنده التى نومرولى
بشبيك درتيوز يتمش يدى ذراع كه ايكي قطعه
عرضه يي برقطعه حجت شرعيه موجبجه متصرفه سى
اولان ماريوره قادين يوز سكسان ليرا مقابلنده
كندوسنه وفاء فراغ ايدلكدن واوچ سنه
مرورنده مبلغ مذكوري تأديه ايتماز ايسه بلماز ايد
فروختيله اتمان حاصله سندن مبلغ مذكوري
استيفا ايتمك اوزره وكالت دوريه ايله كندوسنى
توكيل ايتدكدن صكره راهنه مزبوره كندوسنك
خير ومعلوماتى اولمق سز ين مرهون اولان مذكور
عرضه لرى كندوسنك زوجيه سى افروديتى قادين
واو دخى مزبوره لتياريه قادين مأمورى حضورنده
بيع وفراغ ايلش ومرهون اولان برملكك
اول صورته اخره بيع وفراغى مغاير قانون
بولمش اولديغى دن معاملات مذكوره نك ابطاليله
مداخله واقعه نك منعى قرتال قضاسى بدايت
محكمه سنده مراجعتله طلب ودعوى ايتمى

بيوك اطهده ايا ديمتري محله سنده اللى سكز
نومرولى خانه ده مقيم عطار يانقو خرسيدى ايله
محله مذكوره ده نومروسز خانه ده ساكنه بالقجى
يوركى زوجيه سى لتياريه قادين پيننده متكون
دعوايه دار محكمه استيناف حقوق قسمندن ۱۵
مارت سنه ۳۱۵ تاريخى واوون درت عددى ايله
ويريلان اعلامك تصديقي يولنده داره دن ۴
اغستوس سنه ۳۱۵ تاريخى وبشيوز اون درت
عددى ايله صادر اولان اعلام عليهنده مرقوم
يانقو خرسيدى طرفندن اعطا اولنان تصحيح قوار
استدعاسنك زيرده محرر اسبابدن طولاي قبولى

ولاجل المحاكمه وقوعبولان دعوته مدعى عليهما
افروديتي ولتساره قاديونك اجابت ايتامسى
اوزينه تعيين قلنان وكيل مسخر حضوريله
جريان ايدن محاكمه وتديقاقده مدت رهن منقضية
اولهلى خيلى سنه كچمش اولدينى اكلاشلغله
مجله نك اوچيوز التمش سكرنجى واوچيوز
التمش طقوزنجى ماده لرى حكمنه توفيقاً رهندن
سكره وقوعبولان عقد بيعك رهنك فكنه
معلقاً عدم نفاذينه وعقد رهن فك ايدلنجيه دكين
مذكور عرصه لرى ينده حبس وتوقيفه مدعى
مرقومك حق اولديغه دائر محكمه مذكوره دن
صادر اولان اعلام غيايى عليهنده يالكز لتساره
قادين طرفندن اعتراض على الحكم استدعاسى
اعطا قلنش وبردريه قدر محاكمه وجاهيه اجرا
ايدلش ايسه ده اخيراً تعيين اولنان كونده
وقوعبولان دعوته مزبور نك اجابت ايتامسسه
بناءً استدعائى مذكورك ردينه دائر ويريلان
اعلام حكمنه مزبوره لتساره قادين عدم قضاعله
استيناف دعوى ايتكمه جريان ايدن محاكمه
استينافيه تيجه سنده مقاطعه لو عقارات موقوفه نك
عرصه سى وقف واوزرنده كى اينيه واشجار
ملك اولديغندن اينيه واشجارك بيع ورهن كى
معاملاننده اذن متولى به حاجت اوليوب الجبابى

وقبول وتسليم وتسلم مثللو اركان وشرايطك
تحقيق حالده صحيحاً منعقد ولازم اولور ايسه ده
عرصه صرف وقف اولدينى جهته لك حقنده
رهن كى ملكه مخصوص اولان معاملات جارى
اوليوب رهنه بدل فراغ بالوقامعامله سى مرعى الاجرا
اولديغه وبونده ايسه اذن متولينك لحوق شرط
اولوب ومستأنف عليه طرفندن ابراز اولنان
حجت شرعيه ده فراغ مذكورك اذن متولى به
مقارنته دائر بر قيد وعلى الخصوص مذكور
عرصه ده ملك اترى بولنديغه ومعامله رهن
اعتبار مذكوره جريان ايدلكنه دائر بر اشارت
بولنديغه وبالعكس رهن وارتهان صرف عرصه
اوزينه جريان ايتديكى محكي ومعترف بولنديغه
ومرتهنك فراغ بالوفادن صكره مرهونه مقابل
تزيد دين قينلندن اوله رق اوچيوز ليرا
علاوه سيله راهنه مزبور نك امريله خانه بنا
وانشا ايتديكى حقنده كى ادعاسه كنجيه اصل رهن
يعنى فراغ بالوقامعامله سنك صحتى لحوق اذن
متولى به متوقف اولدينى كى زياده مقابلنده
مذكور خانه نك مرهونى دخی رأى متولينك
انضمامنه محتاج اوله رق بلا اذن اولان معامله
باطل اولديغه بناءً اعلام مستأنف بهك فسخيله
منازع فيه محله مرقوم يانقو طرفندن وقوعبولان

مداخله نك منعيه مزبوره لتساره قادين تسليمه
حكمن و مستدعى تميز يانقونك اشبو حكم
عليهنده لايحه سنده محرر اعتراضك خلاصه سى
منازع فيه محل كندوسنك عهده تصرفنده
اولديغنى مزبوره لتساره قادين اثنائى محاكمه
ابتدائيه ده تصديق ايتمش ايكن اعتراض على الحكم
استدعاسنده افروديتى قاديندن تفرغ ايدلديكى
سويلى تناقض دعوائى موجب اولدينى كى
منازع فيه عرصه ده اتر ملك اوله رق اليوم اشجار
مثمره واينيه موجود اولدينى وبوده شرعاً ثابت
بولنديغى جهته معامله واقعه اجرا قلنش
وبوباده برده حجت شرعيه ويرلش ايكن محكمه جه
بونك بطلانسه حكم ايدلسى وتصرفى حاوى
مزبوره لتساره طرفندن ابراز ايديلان سنده
منازع فيه عرصه محرر اوليوب ناتمام اولان
ملك اينيه محرر اولدينى ميدانه چيقمش ايكن
استيناف محكمه سنجيه بورالرى نظر اعتنايه التمسرين
بروجه محرر قرار ويرلسى يولسز ومغاير قانون
اولديغندن بحمله اعلامك تقضى استدعاسندن
ومدعى عليها لتساره قادينك لايحه سنده مندرج
تيجه جوابى ايسه اعتراضات مسروده نك واهى
وبى اساس اولديغى بيانيله ردى وموافق اصول وقانون
اولان اعلامك تصديقي طلبندن عبارت اولوب
عند التميز اعلام مذكور تصديق قلنشيدى

الجبابى مذاكره اولسدقده مرقوم يانقو
طرفندن ويريلان تصحيح قرار استدعاسنده
منازع فيه عرصه ده آثار ملك اوله رق محترق
اينيه ديوارى وقيو واشجار مثمره اولديغنى
ومعامله رهن وارتهانك اكا مستنداً محكمه
شرعيه جه قبول وحجته ربط ايدلديكى وبوباده كى
حجت شرعيه دخی فتوا خانه جليله دن مصدق
ايدوكنى وبوصورت قابل اثبات اولدينى كى
عند الكشف دخی تظاهر ايدلديكى استيناف
محكمه سنده درميان ايدلديكى حالده محكمه مذكوره جه
بوجه تامل نظر دقته التمسرين مبرز حجت
شرعيه ده مذكور عرصه ده آثار ملك اولديغه
دائر بر قيد واشارت اولديغه استناداً عرصه
مذكوره نك وقف اولديغه قرار ويرلش اولسى
حقنده لايحه تميزيه سنده درميان ايدلديكى اعتراضى
مسكوت عنه قالدغنى بيان ايدلش وفى الحقيقه
مستدعى تصحيح طرفندن لايحه تميزيه ده بوبوده
براعتراض درميان ايدلديكى حالده مسكوت عنه
قلنش وبوايسه اصول محاكمه حقوقه قانونك
ايكوز اللى اوچنجى ماده سنك ايكنجى فقره سى
حكمنجه استدعائى مذكورك قبولى موجب
اسباب قانونيه دن كورنش اولديغندن غرضال
مذكورك سبب مشروحن طولاني قبوله ومبرز

بيع بالوفاء حجتبه مبيعك منزل عرصه سي اولديغنىك
محرر اولسى مدعا به عرصه نك زراعت و حراثت
اولنور واليوم كندوسنده اراضى اميريه حكيمى
جريان اين اراضى و ققيه دن اولديغنى ارايه
ايدى جكي كى مستدى تصحيحك عرصه مذكوره
اوزرنده آثار بنا اولديغنى محكمه استينافيه ده
ادعا ايتسى اوزرينه بوجهنك بالمعاينه معلوم
اولور احوال دن اولسنه نظراً محكمه مذكوره جه
محلنه نائب اعزاميله كشف اجراسى لازم كلور
ايكن بوصورتله تحقيق تحقيقات ايدى كسرين مجرد
حجته ملك آتارى اولديغنه دار بر اشارت
اولماسنه بناء حكم واعلام ميزهك اعطا ايدى
يولسز ومغاير قانون اولديغندن اصول محاكمه
حقوقيه قانونك ايكوز اوتوز ايكنجى ماده سى
موجبجه اعلام مذكورك تفضيله قانون مذكورك
ايكوز قرق دردنجى ماده سى حكمه توفيقاً
كيفيتك صور محرره وجهله بالرؤيه اعلامه ربطى
ضمننده محكمه مذكوره به اعاده سنده ومرقوم
ياقونك فقير الحال اولديغنه دار علم و خبر اولغله
صورت وتبليغ خرجلرينك عفويله زيده
مفرداتى مرقم اوچوز اللى سكز بحق غروش

مصارف سائر نك ايلروده حقسنز چيقه جيق
طرفه رجوع ايتك اوزره اول امرده مستدى
مرقوم يانقودن التمسنه ۲۱ اغستوس سنه ۳۱۵
تاريخنده متفقاً قرار ويرلدى .

اعلان

متوفى رفيق بك ورثه سنك با اعلام نظامى

متوفى احمد همدى افندى ورثه سى ذمترلنده
محكوم به آله جقلرى اولان مبالغك استيفاسى
ايچون حكماً محجوز و مصدق و مديون متوفى
عهده سنده اولوب ورثه سنده انتقال ايلان قزل
طوپراقده طوغله جى باشى حاجى مصطفى افندى
محل سنده جامع شريف زقاغنده تخميناً اوچوز
ارشون عرصه اوزرينه مبنى سكز اوطه و بر
مطبخ و صهرنجى و تخميناً يدى دوندن عبارت بر
قطعه باغ و مشتملات سائر مبنى حاوى شهرى آلتى

عدد عثمانلى ليراسى ايجار كتورر اوتوز آلتى
نومرولى ملك بر باب كوشك مشتملاتى تمامنك
اون بش كون صكره بالمزايدة فروخته تشبث
اولنه جنى در سعادت اعلامات نظاميه اجرا
دائرة سندن اعلان اولنور .

۲۲ حزيران سنه ۳۱۶

۲۵ حزيران سنه ۳۱۶

صو ناظرى سعادتلو عمر طاهر افندى
مضرتلرينك در سعادت ايكنجى حقوق محكمه
سندن استحصا ايلديكى بر قطعه اعلام موجبجه
سلطان بايزيده ساكن سعادت غزنه سى صاحب
امتيازى عزتلو عمر ونورى افنديلر ذمتده الاجنى
اولان مبالغ معلومه نك تأمين استيفاسيچون مدعى
مومى اليه اذن عمر افنديك عهده تصرفنده اولوب
محكمه قراريله تحت حيزه النوب بوكره فروختى
تحت قراره النان سلطان بايزيد جوارنده طوشان
طاشى قربنده يكرى يدى نومرولى و تخميناً
ماليه خزينه جليله سنك ارضروم سجاغنىك
يتمش بش سنه سى واردات عشره سى بدلندن وجهت
كفالتدن متوفى صراف چيوى اوغلى انسق افندى
ذمتنده مطلوبى اولان مبالغ معلومه نك تأمين
استيفاسيچون مديون متوافانك عهده تصرفنده
اولوب ورثه سنده انتقال اين بورغاز اطه سنده
مناسر جاده سنده واقع جوانب اربعه سى ديوار
ايله محاط واشجار مثمره مبنى حاوى اللى بر نومرولو
بر باب باغجه نك تمامى تاريخ اعلاندن اعتباراً اون
بش كون صكره بالمزايدة فروخته تشبث اولنه جنى

در سعادت اعلامات نظامیه اجرا دائره سندن
اعلان اول نور .

۲۵ حزيران سنه ۳۱۶

حسن بصری افندیك اونيك ذمتنده محكوم به
اله جنی اولان معلوم المقدار مبالغك تأمین
استیفاسی ضمتنده مدیون مرقومك متصرف
اولدینی بر عدد محجوز قویه آرابه سنك فروختی داینك
طلب واستدعاسی اوزرینه بك اوغلی بدایت
محكمه سی ریاست اولیسی جانبندن اعطا بیوریلان
قراره توفیقاً تموزك اونچی بازار ایتسی كونی
ساعت اوچ قرارلرنده سالف الذکر محجوز
آرابه نك بك اوغلنده تقسیمده بالمزایده فروختنه
تثبت اولنه جنی بك اوغلی اجرا مأموریتی جانبندن
اعلان اول نور .

۵ تموز سنه ۳۱۶

خارجیه قواصلرندن احمد افندیك امینه
خاتم ذمتنده با اعلام شرعی اله جنی اولان مبالغ
معلومه نك تأمین استیفاسی ضمتنده مدیون مرقومك
امینه خاتك متوفی پدری ابراهیم نجاتی افندیك
انتقالاً عهد سنده اولوب در سعادت بدایت
محكمه سی برنجی حقوق دائره سی اعلامیه فروختی
محكوم بولسان روم ایلی حصارنده اریه امینی
محله سنده قیولی زقاقده واقع القی نومرو ایله
مرقم بر باب خانه نك ربع حصه شایعه سیله خانه
مذكوره متصل سكر نومرو ایله مرقم بر قطعه
بانچه نك نصف حصه شایعه سی اشبو تاریخ
اعلانن اون بش کون صكره بالمزایده فروختنه
تثبت اولنه جغندن طالب اولانلرك پی سورمك
ودها زیاده معلومات المق ایستینانلرك مدت
مذكوره ختامندن صكره در سعادت اعلامات
شرعیه اجرا دائره سنه مراجعت ایللری دائره
مذكوره دن اعلان اول نور .

۶ تموز سنه ۳۱۶